

समे .1815

<><><><><><>

Headlines

- 1 प्रधानमंत्री नरेन्द्र मोदी होर कल रियो दे जनेरियो च ब्रिक्स शिखर सम्मेलन च हिस्सा लैंगन।
- 2 उपराज्यपाल मनोज सिन्हा अमरनाथ श्रद्धालुएं दी सुरक्षा लेई दिशा निर्देश जारी कीते न।
- 3 पुंछ जिले च सुरक्षा बलें आतंकवादिएं दी छप्पने आली इक थाहरे दा पता लाइयै थेआर ते गोलीबरुद बरामद कीता ऐ।
- 4 सरकारै उपभोक्ताएं गी अपील कीती ऐ जे अपनी सुरक्षा लेई ओ भारतीय मानक ब्यूरो प्रमाणत हेलमेट लान।
- 5 चीन च आयोजित 2025 दे पैरा तीरंदाजी एशियाई चैंपियनशिप च भारतीय तीरंदाजे सुन्ने दे दऊं तगमे जित्ते न, जिंदे च जम्मू कश्मीर दी शीतल देवी बी शामिल ऐ।

<><><><><><>

PM-BRICS

प्रधानमंत्री नरेन्द्र मोदी होर औंदी 6 ते 7 तरीक गी ब्राजील दे रियो दे जनेरियो च ब्रिक्स शिखर सम्मेलन च हिस्सा लैंगन जेह्दे बाद उंदा ग्राजिलिया दा दपक्खी दौरा लाने दा बी कार्यक्रम ऐ। पिछले कोई 6एं दहाके च कुसै भारतीय प्रधानमंत्री दा एह पैहला पैहला दौरा होग। अपने दौरे दरान मोदी होर ब्राजील दे राष्ट्रपति लूइज इनासियो लूला डी सिल्वा हुंदे अलावा दुनिया दे होर केई नेताएं कन्नै बी शिखर सम्मेलन दे बाहरे गल्लबात बी करगन।

<><><><><><>

LG

जम्मू कश्मीर दे उपराज्यपाल मनोज सिन्हा होरें अज्ज श्री अमरनाथ दे यात्रिएं दी इक गड्डी दे ममूली जनेह् एक्सीडेंट दे बाद श्रद्धालुएं दी सुरक्षा लेई विशेष दिशा-निर्देश जारी कीते न। उपराज्यपाल होरें सरबंघत अधिकारिएं गी निर्देश जारी कीते न जे यात्रिएं दी सुरक्षा लेई असरदार उपाह पूरी संजीदगी कन्नै लागू कीते जान ते सब्बने महत्वपूर्ण थाहरे पर सुरक्षा जांच जकीनी बनाई जा। दरअसल अज्ज बडलै श्रद्धालुएं गी जम्मू थमां पहलगाम लेइयै जा'रदी इक बस दी ब्रेकफेल होने कारण, उत्थें खड़ोती दी इक गड्डी कन्नै जाई बज्जी ही। एह्दे अलावा उनें यात्रिएं लेइ बिजन रुकावट दे रूट्टी पानी ते दोआइएं दी दस्तयाबी जकीनी बनाने दा बी निर्देश जारी कीता। एह्दे शा पैहले मनोज सिन्हा होरें जम्मू दे डिवीजनल कमीशनर रमेश कुमार ते रामबन जिले दे विकास कमीशनर मोहम्मद अलियास खान हुंउे नै गल्लबात कीती ते उनेंगी घायलें लेई लोड़चदी हर मदद जकीनी बनाने दा निर्देश जारी कीता। उनें सब्बने वरिष्ठ अफसरें गी बी निर्देश दित्ता जे यात्रा गी पूरी चाल्ली सुरक्षत, निर्बिघ्न ते बवस्था आले ढंगै सिर तोड़ चाढ़ने लेई ओ पूरे सौहगे, सतर्क ते चतन्न होइयै अपनी ड्यूटी अंजाम देन।

<><><><><><>

रामबन जिले दे चंद्रकोट इलाके च अज्ज श्री अमरनाथ श्रद्धालुएं गी लेइयै जा'रदी इक बस हादसे दा शिकार होई गें जिस करी 36 यात्री जख्मीं होए न। हासल जानकारी मूजब पहलगाम बक्खी जा'रदे जत्थे दी इक बस दे डरैवर

दा ओहदे पर काबू नेई रेया ते ओह बत्ता खड़ोती दिएं होरनें गडिडएं कन्नै जाई बज्जी जिस करी 4 गडिडएं गी नुक्सान पुज्जा त 36 यात्रुएं गी हलकी सट्टां लग्गी गेइयां। जिला प्रशासन नै तुरत हरकत च औंदे होई जख्मिं गी जिला अस्पताल रामबन पुजाया। डिप्टी कमिशनर मोहम्मद इलियास खान, डीआईजी शक्तिधर पाटिल, एसएसपी कुलबीर सिंह ते होरनें आला अधिकारिं अस्पताल जाइयै जख्मिं दी डोल पुच्छी ते मुख मेडिकल अधिकारी होरें'गी निर्देश दित्ता जे ओह जख्मिं गी बेहतरिन सुविधां उपलब्ध करोआन। यात्रिं गी इलाज दे मगरा, होरनें गडिडएं च उ'दी अगड़ी जात्तरा लेई रवाना करी दित्ता गेआ। इस बारे होर मती जानकारी देआ'रदे न एसएसपी रामबन कुलदीप सिंह

<><><><><><>

औंदी श्री बुड्डा अमरनाथ जी दी यात्रा गी सुरक्षत ते बवस्थित ढंगै सिर करोआना जकीनी बनाने लेई ते श्रद्धालुएं गी सब्बै सहूलतां उपलब्ध करोआने लेई पुंछ दे डिप्टी कमीशनर विकास कुंडल होरें बुड्डा अमरनाथ यात्रा समिति कन्नै रलियै यात्रा आधार शिविर ते श्रद्धालुएं दे रौहने बौहने लेई शनाख्त कीती गेदी 14 थाहरें दा दौरा लाया। दौरे दरान डिप्टी कमीशनर होरें प्रशासन ते सरबंध मैहकमे आस्सेआ कीती गेदी तैआरिं दा जायजा लैता। डिप्टी कमीशनर होरें सरकारी डिग्री कालेज पुंछ, आईटीआई, श्री दशनामी अखाड़ा जनेही थाहरें पर रौहने बौहने ते होरनी सहूलतें दी तैआरिं दी बी समीक्षा कीती। आकाशवाणी समाचार कन्नै गल्ल करदे होई पुंछ दे डिप्टी कमीशनर होरें आखेआ.....बाईट

<><><><><><>

Hide Out Busted

पुंछ जिले च सुरक्षा बलें आतंकवादिं दी छप्पने आली इक थाहरे थमां किश थेआर ते गोलीबरुद बरामद कीता ऐ। अधिकारिक जानकारी मूजब बन्ने कन्नै लगदे इलाका ढेर टोक बैरमगला च पुलस ते फौज दी इक सांझी टीम नै अपनी नियमित गश्त दरान आतंकवादिं दे छप्पने आले इक ठकाने दा पता लाइयै उत्थें छपैलियै रखे दे 3 ग्रनेड, ऐके रैफल दे 14 रौंद ते पस्तोल दिएं 6 रौंद गोलिं दे अलावा 5 पैसिल सेल्ल, तार कट्टने आला कटर, मल्टी डाटा केबल कनेक्टर, इक चाकू, लोहे दी इक छड़ ते इक पेंट दा डब्बा बरामद कीता ऐ। इस सरबंधे च मामाला दर्ज करियै अग्गे दी जांच कीती जा'रदी ऐ।

<><><><><><>

BIS-Helmets

उपभोक्ता मामले सरबन्धी विभाग ते भारतीय मानक ब्यूरो नै लोकें गी अपील कीती ऐ जे ओह छड़ा भारतीय मानक ब्यूरो आस्सेआ प्रमाणित हेलमेट दा गै इस्तेमाल करन। मैहकमे नै आखेआ ऐ जे गैर प्रमाणित हेलमेट बनाने ते बेचने आले खलाफ सख्त कारवाई कीती जाग। अपने ब्यान च मैहकमे नै आखेआ ऐ जे मानक ब्यूरो नै पिछले माली ब'रे दरान ऐसे 30 अभियान चलाए न, जिस दरान मानकें दी पालमा नेई करने आले बारे पता लाया गेआ। मैहकमे नै जानकारी दित्ती जे इस ब'रे जून तगर दे आंकड़े मूजब मुल्खे भरै च ऐसे छड़े 176 निर्माता गै ऐन जिंदे कश सुरक्षत हेलमेट बनाने दा मानक ब्यूरो दा वैद्य लाइसेंस ऐ। मैहकमे दा आखना ऐ जे इस पैहलकदमी दा मकसद ऐ शिड़क हादसे दरान मती कोला मती जाना बचाइयां जाई सकन।

<><><><><><>

BGRS Urs

दऊं दिनें तगर चलने आला हजरत बाबा गुलाम शाह बादशाह हुंदा सलाना उर्स अज्ज पवित्र शहादरा शरीफ जियारतख्शुरु होग। मेद बुज्जी जा'रदी ऐ जे बड़ी मती गिनतरी च श्रद्धालु मुल्खे दे बक्ख-बक्ख हिस्से मिमां जियारत च मत्था टेकन लेई औन। एहदे शा पैहले राजौरी दे डिप्टी कमीशनर अभिषेक शर्मा ते एसएसपी गौरव सिकवार होरें उर्स दे प्रबंधें गी खीरी रूप देने आस्तै शहादरा शरीफ जियारत च सांझी समीक्षा बैठक दी अध्यक्षता कीती। इस दरान तीर्थयात्रिं लेई ट्रांसपोर्ट ते आओजाई दी बवस्था, बिजली पानी दी आपूर्ति ते होरनी केई जरूरी सहूलतें दी पूरी चाल्ली समीक्षा कीती गई।

<><><><><><>

जिला प्रशासन डोडा ते जिला सेहत सोसायटी नै अमनदीप अस्पताल अमृतसर कन्ने मिलियै डोडा दे सामुदायिक हॉल च सेहत जांच दा इक मुफ्त कैप लोआया जेहदा उद्घाटन जिला विकास कमीशनर हरविंदर सिंह होरें कीता। डीसी होरें सब्बने आयोजकें दे इस सांझे जतन दी सराहना कीती जेहदे राएं मकामी लोकें ते दूर दरेड़े इलाकें दे लोकें गी अपने घरै कच्छ सेहत जांच करोआने दा मौका थोआ करदा ऐ। कैप च कोई 3 ज्वार कोला मते लोकें अपनी सेहत जांच करोआई जेहड़े जिले दे बक्ख-बक्ख हिस्से थमां आए दे हे। इस मौके गल्ल करदे होई डीसी होरें आखेआ

<><><><><><>

Cocoon Auction

रेशम विभाग उधमपुर आस्सेआ जिला अबरेशम परिसर च म्हीने भर चलने आला, रेशम दिएं खुब्टिएं दी निलामी आला सलाना आयोजन अज्जै थमां शुरू होई गेआ। इस आयोजन दी मदद कन्नै रेशम दियां खुब्टियां तैआर करने आले मकामी करसानें, टकोहदा करियै जेहड़े महिला ते पुरुष, पढ़े लिखे दे नेई हैन, उनेंगी फायदा होंदा ऐ। उनेंगी बजारै च जाइयै बेचने दी थाहर अपने जिले च खुब्टिएं गीबेचने दा मौका थोदा ऐ ते मैहकमे आस्सेआ लोआए जाने आले इस बजार च उनेंगी अपनेउत्पाद दी बनकदी कीमत बी थोइ जंदी ऐ ते कोई उंदे कन्नै ढगी बी नेई करी सकदा। करसानें ते रेशम उत्पादके इस पारदर्शी प्रक्रिया पर संदोख प्रगट कीता ऐ। उधमपुर दे मुख्ख रेशम अधिकारी सुषमा गौतम होरें इस बारे गल्ल करदे होई आखेआ

<><><><><><>

Para Gold

बीजिंग च होआरदी 2025 पैरा तीरंदाजी एशियाई प्रतियोगिता च भारती पैरा तीरंदाजें सुन्ने दे 3 तगमे जित्ती लैते न जेहदे कन्नै भारत आस्सेआ जित्ते गेदे कुल तगमे दी गिनतरी 7 होई गेई ऐ। महिलाएं दी कंपाउंड टीम श्रेणी च जम्मू कश्मीर दियां शीतल देवी ते ज्योति नै चीन गी 148-143 कन्नै हराइयै सुन्ने दा तगमा अपने नां कीता। हरविंदर सिंह ते भावना नै बी मिक्स्ड रिसोर्स श्रेणी च सुन्ने दा तगमा जित्तेआ।

<><><><><><>

Weather

मौसम विभाग नै जम्मू खित्ते दी केई थाहरें च अज्ज चिरे रातीं गरज चमक कन्नै बरखा बरने दी पेशगोई कीती ऐ। केई थाहरें पर रुकी रुकियै बरखा बरने दे आसार न। मैहकमे दा आखना ऐ जे कल्लै कोला लेइयै 8 जुलाई तगर जम्मू संभाग दे किश इलाकें च भारी कोला मती भारी बरखा बरने दी संभावना ऐ।

<><><><><><>